



إبراهيموہ ابيمیلنگوہ Ibraahiimwa Abiimiileekwa

- 01 إبراهيم بين تويسي نيقيب وهاش اوكيك هنتاييه،  
شوروه كادش ايتيك اكره. شلك منده جيرانيب بهقت.
- 01 Ibraahiim been tooy sii Neegeeb whaash  
ookiik hantaayiya, Shuurwa Kaadish eebtik  
ikwiri. Shalik minda Jeeraareeb yhagit.
- 02 بين توي بزوه اودهي «ساره كواتوتو» اديت سويته.  
مليه جيرانه وهدا ابيمیلنگ ساراب اقرؤيوس دهاي هاي  
ايسيسيه.
- 02 Been tooy baruuh oodehay «Saara  
kwaatootu» idiit sooya. Malya Jeeraari whad'a  
Abiimiileek Saaraab igaroyoos dehaay haay  
eesiisya.
- 03 لاكين ابيمیلنگ هواد قالناي هوسوتيب اكواسنه دهاي  
ايبابت «دارت تكت تيهه اكاى ايته تديته» اده.
- 03 Laakiin Abiimiileek hawaad gaalnaay  
hawsooteeb Ukwaasana dehaay eeyaayt  
«D'aart takat tiyha akaay iyya tindiya.» idi.
- 04 اونتا ابيمیلنگ بتوه دولاب كيكيه. بزوه «اكواسناي،  
قوبب بابرييه دهى كوئسه تديته هن؟»
- 04 Oont'a Abiimiileek batooh diwlaab kiiki.  
Baruuh «Ukwaasanaay, gwabab baabariiyi  
dehay kwidhsa tindiya han?
- 05 بزوه كواتوتو ديا سويابون كيكيه هن؟ بتوه هن سنوه  
ديا سوياتون كتى هن؟ تون تونه انه اويريت نهس اكاى  
دهنه قنابي اوير.» اده.
- 05 Baruuh kwaatootu diyaa sooyaayoon kiiki  
han? Batuuh han sanooh diyaa sooyaatoon  
kitti han? Toon toona ani aweeret nhas akaay  
dhhani gin'ii aweer.» idi.
- 06 اكواسنه هوسوتيب برييوه دهاي «بزوه نهس ايئوه  
دهنه قنابي تون تونه تداينت تونه اكن اكاى ماقتيب ديسايوك  
كاكه. اون اسبي اري بتوه تهساىوك كاكه.
- 06 Ukwaasana hawsooteeb bariyooh dehaay  
«Baruuh nhas ayeewwa dhhani gin'ii toon  
toona tid'iyeeet toona akan akaay maagtiib  
dhbsaayook kaaki. Oon usabbii aree batooh  
tehasaayook kaaki.
- 07 اونتا اتيكت تكت اقره، بزوه تيبو دهوك سيليله  
انده، مليه ايدهن تديته. بتوه بتاثيريك لاكين بزوكوه  
ادهيوكوه ايته تديته.» اده.
- 07 Oont'a utakiit takat agira, baruuh nabiibu  
dehook siileeli indi, malya iidhhan tindiya.  
Batooh bat'agiireek laakiin baruukwa  
udehayuukwa iyya tiyadna.» idi.
- 08 كروماب اومبا اورا ابيمیلنگ كسيه ادابتيس وليكيه،  
تونه تتيكت كستوه دهاي هديدينهوب، بره ونييت اراكونته.
- 08 Karuumaab oomb'i ooraaw Abiimiileek  
kaseeh idaabtees waliikiya, toona titikeet  
kastooh dehaay hadiidyanhoob, baraah  
winneet irakwiina.
- 09 مليه ابيمیلنگ ابراهيم وليكيه «نان هون تدايه؟ نات ماق  
هوك داباوبت انبوه تهدينته بك هون سكته؟ بك هوسه  
بتسكييت توناته.» اده.
- 09 Malya Abiimiileek Ibraahiim waliikiya  
«Naan hoon tid'iya? Naat maag hook  
d'iyabuuyt aneebwa tehad'aayeeti bak hoon  
sakta? Bak hoosi batsakayeet toonaati.» idi.
- 10 ابيمیلنگ مسيه ابراهيم راتميه «بروك تون هاي تداينب  
اسبب نانانو؟» اده.
- 10 Abiimiileek masi Ibraahiim raatamiya  
«Baruuk toon haay tid'iyeeb isabab  
naanaatu?» idi.

11 إبراهيم «أني بك هاي أويريب إسبب، أون اوميهين  
أكواسناي مرگواي هوي كيهاي، تُنكُتے سَيِّي اَرِي دَرَتے  
باين ميادييب اين اوير-»

12 بئوه سيدك كواثو بابئو اوئو، لاکين ديئو فرات كِتے-  
مليّة اَرِي تَنكُتُو تَكے-

13 مليّة انيب أكواسنة بابئو اقوي وير هاش بيته  
إسبستوبے هر اي، اَنے تُراوتے سَوِين «سيدك اَرِي تَنبِيته»،  
إكيبكَة رَهْنِيته دُور «أون بَرُوه سنُوه» ديے-، اَدے-» اِدے-

14 مَلِياب اَبِيْمِيْلِيك اَنْتُوته، شَابُوته، كِشِيَابُوته كِشِيَاتُوته اِبْرَاهِيْم  
بھے- ساراب تُنكُتُوس هَن دهاي يَأُقر-

15 اَبِيْمِيْلِيك بَرِييُوته دهاي «أنيب و هاش سُورُوك اِنْفے»،  
كَسُوته اَوْمُهِين بَرُوك هَرِيوِينب هُوِي كُورِيته-» اِدے-

16 بَرُوه ساراي دهاي «أسنُوك قُودات اَسْتِيْت يھے- اُون  
بَرُوه بَنُوك ماقت دَايَات بَنكَايِيْت تُوْنَة اِكِيْبَكَة اِكْتَنِيِيے جَلَاي  
اَنے يھے-» اِدے-

17 مَلِياب اِبْرَاهِيْم اَكُواسِنَاي دهاي سِيْلِيِيته، اَكُواسِنَة اَرِي  
اَبِيْمِيْلِيك مَهِيْلِيته، تُنكُتُوسُوته كِشِيَاتَاَسُوته شَاوتے اَر اِبِيرِين  
اِكِين-

18 ساراي سَيِّي، اَكُواسِنَة سُورِي اَبِيْمِيْلِيكِيْت تَتِيْمَات كَسْتِيه  
اُوِيَام هُوِي اَبْكَا اِنْفے-

11 Ibraahiim «Ani bak haay aweereeb isabab,  
oon oomhiin Ukwaasanaay mirkwaay hooy  
kiihaay, tutakati sabbii aree dirati y'een  
miyaadiib een aweer.

12 Batuuh sidik kwaatu baabitu ootu, laakiin  
deetu firaaat kitti. Malya aree takatu tiki.

13 Malya aneeb Ukwaasana baabiyu ugawii  
weer haash beeti isiistoobi har'ii, ani turaawti  
sooyan «Sidik areetniyeeti, ikeebka rhinaya  
door «Un baruuh sanooh.» diyil!» idi.

14 Malyaab Abiimiileek anootwa, sh'aabwa,  
kishiyaabwa kishiyaatwa Ibraahiim yhi.  
Saaraab tutakatoos han dehaay y'agir.

15 Abiimiileek bariyooh dehaay «Aniib  
whaash suurook eefi, kassooh oomhiin baruuk  
harriiweeb hooy kwiriya!» idi.

16 Baruuh Saaraay dehaay «Usanook gwidaat  
ashteet yhi. Uun baruuh batuuk maagt d'iyaat  
bitkaayeet toona ikeebka ikteeniyi jillaay ani  
yhi.» idi.

17 Malyaab Ibraahiim Ukwaasanaay dehaay  
siileeliya, Ukwaasana aree Abiimiileek  
mheeliya, tutakatuuswa tikishiyaataaswa  
shaawti ar iibriin ikeen.

18 Saaraay sabbi, Ukwaasana suurii  
Abiimiileekiit teem'at kasteeh ooyaam hooy  
aabkaa iifi.